

Universitätsbibliothek Paderborn

Devoti Admodùm Et Consolatione Pleni Confessionales Psalmi Septem

Isidorus <A Cruce>
Dillingæ, 1675

Affectus Peccatoris, Dei misericordiam extollentis.

urn:nbn:de:hbz:466:1-53188

122

os) f (so-

AFFECTUS PECCATORIS,

De i misericordiam ex-

Domine JESU, en habes fatentem reum! pecca-

Tuis pedibus nunc advolvor, tuo conspectu indignus, nec dignus, quem terra ferat!

Non possum conqueri, quòd

mihi mineris inferos.

Addie

Ego meâ me sententià damno, conscientia me non sinit negare delicta.

Quin & tot millibus populorum ea nudabuntur.

Tot agminibus Angelorum patebunt universa scelera mea.

Non

Affect. pecc. Dei mis. extoll. 123

Non solum actuum, sed etiam cogitationum, simulque locutionum.

Tot Judicibus inops altabo, quot me præcesserunt in opere bono.

Tot arguentibus confundar, quot mihi præbuerunt bene vivendi exemplar.

Tot convincar testibus, quot me monuerunt proficuis sermonibûs, séque imitandos justis dederunt actionibûs.

Domine milnon suppetit mihi, quid dicam, non occurrit, quid respondeam.

Et cum jam intersim sævo illi discrimini, torquet me conscientia, cruciant cordis arcana.

FS

Coar-

S,

CS

da

124 Affectus peccatoris

Coarctat avaritia, accusat superbia, consumit invidia, inflammat concupiscentia.

Infestat luxuria, dehonestat

gula, ebrietas confutat.

Detractio lacerat, ambitio supplantat, rapacitas objurgat.

Discordia dissipat, ira pertur-

bat, levitas dissolvit.

Torpor opprimit, hypocrisis fallit, adulatio frangit, fraus attollit, calumnia pungit.

Ecce Liberator mei de gentibus iracundis! ecce, cum quibus vixi à die nativitatis meæ, quibus & studui, quibus & sidem servavi.

Ipsa me, quæ dilexeram, stu-

Dei miseric, extollentis.

dia damnant; quæ laudaveram,

vituperant. a

Nunc tamen parcis victo, & supplici reo, commissam culpam, & meritam pœnam fatenti.

Parcis Judex justissime! bis vi-

cit, qui pepercit.

Si justitiam audio, perij; si misericordiam magnam nimis, superexalto eam.

Ecquis aliter faciat, qui tua vincula, columnam, flagella, spinas, crucem, cruentos clavos, felleum acetum, diram lanceam intuétur?

Nulla in me sunt merita, pro iis tua tibi tot verbera, tot opprobria, tot vulnera, tot tormenta offero.

Cum

a Aug. Med. c. 4.

126 Affectus Peccatoris

Eum Magdalena ingemisco, & tundo pectus cum publicano.

Nec jam repellis, à te ad tuos

pedes prostratum.

Cùm vides Domine JESU, quòd mex lachry nx misceantur tuo sanguini, mox misereris; exuis personam judicis, & induis personam Patris.

Certè Judicem horreo, cruci-

fixum amplector.

man)

Peccavi, fateor, peccata grandia, peccata innumera, idcirco flagellari, & puniri non recuso.

Flagella mePater amantissime; & puni me, modò parcas in æternum, secundum Misericordiam tuam.

Ergo

Dei miseric. extollentis.

127

Ergo antemortis horam inter eos me clementissimè adnumeres, quos dilectissimorum amicorum nomine in omnem æternitatem dignaberis.

Scio, Domine, scio & fateor, quòd non sum dignus, quem tu

diligas!

15

0

15

n

0

Sed certe tu non es indignus,

quem ego diligam.

Indignus quoque sum tibi servire, sed tu non es indignus servitió Creaturæ tuæ.

Da ergo mihi Domine, unde tu es dignus; & ego ero dignus, unde sum indignus!

Fac me, quomodo vis, à peccatis cessare; ut quomodo debeo, possim tibi servire.

Con-

128 Affectus Pecc. de mis. extoll.

Concedemihi sic custodire, & regere, & sinire vitam meam, ut in pace dormiam, & requie-scam!

Præsta mihi in sinem, ut me excipiat somnus cum requie, requies cum securitate, securitas in æternitate! Amen. a



a Med. Aug. c. 10.